



# basic education

Department:  
Basic Education  
**REPUBLIC OF SOUTH AFRICA**

## **NATIONAL SENIOR CERTIFICATE**

**LIBANGA 12**

**SISWATI LULWIMI LWASEKHAYA (HL)**

**LIPHEPHA LESIBILI (P2)**

**LWETI 2022**

**TICONDZISO TEKUMAKA**

**EMAMAKI: 80**

**Leticondziso tekumaka tinemakhasi la-19.**

**TICONDZISO TEKUMAKA**

1. Nangabe umhlolwa aphenzvule imibuto lengetulu kwaleyo lelindzelekile, maka timphendvulo letisekucaleni kuphela. **(Umhlolwa akumelanga aphenzvule indzabambhalo kanye nemibuto lemifisha encwadzini yinye.)**
2. ESIGABENI A, nangabe umhlolwa aphenzvule ngato tonkhe totine tinkondlo (Tinkondlo letifundvwe eklasini), maka letimbili tekucala kuphela.
3. ESIGABENI B na-C (Lulwimi Lwasekhaya), nangabe umhlolwa aphenzvule imibuto lemibili kulemifisha nobe imibuto lemibili yendzabambhalo, maka imphendvulo yekucala kuphela uyekele lelandzelako. Nangabe umhlolwa aphenzvule yomine imibuto, maka kuphela imphendvulo yembuto wekucala kuleso naleso SIGABA, ngaphandle kwekutsi uphendvule munye umbuto lonemibuto lemifisha namunye umbuto loyindzabambhalo.
4. Nangabe umhlolwa anike timphendvulo letimbili lapho imphendvulo yekucala iliphutsa kantsi lena yesibili iliciniso, akumakwe imphendvulo yekucala yesibili ingamakwa.
5. Nangabe tinombolo tetimphendvulo tinemaphutsa, maka ulandzele ticondziso.
6. Nangabe liphutsa lesipelingi litsikameta inshokutsi, akunganikwa limaki, kantsi nangabe inshokutsi ayitsikameteki, akunikwe limaki.
7. Umbuto loyindzabambhalo: Nangabe indzabambhalo inemagama langaphasi kwalawo lamisiwe, umhlolwa akangajeziswa ngobe vele sewutijezise yena ngekwakhe. Nangabe indzabambhalo iyindze kakhulu, akahlolwe ngekwelikhono lakhe bese kucociswana nalabaphetse umsebenti wekumaka. **Akusetjentiswe irubhriki yekumaka indzabambhalo** lesesichibiyelweni A na-B.
8. Imibuto lemifisha: Nangabe umhlolwa angakafaki bokhulumile nangabe kufanele acahune **akangajeziswa**.
9. **Emibutweni levulekile** bahlolwa abanganikwa emamaki nangabe baphendvule ngetimphendvulo letitsi: YEBO/CHA nobe NGIYAVUMA/ANGIVUMI. Onkhe emamaki anikwa sizatfu/kuchaza ngalokugcwele/kwesekela/kucaphuna.
10. Emibutweni lefuna LICINISO/LIPHUTSA nobe LIPHUZU/UMBONO emamaki akangehlukaniswa emkhatsini, lokusho kutsi alikho limaki lelinikwa LICINISO/LIPHUTSA nobe LIPHUZU/UMBONO, onkhe emamaki anikwa sizatfu/kuchaza ngalokugcwele/kwesekela/kucaphuna.

**SIGABA A: TINKONDLO****TINKONDLO LETIFUNDVWE EKLASINI****UMBUTO 1: UMBUTO LOYINDZABAMBHALO****TIBANE – NC Mthethwa**

Sakhiwo sendzabambhalo kumele sivete singeniso, umtimba nesiphetfo.

**SINGENISO**

Bahlolwa bachaza sihloko, babuye basho imphumelelo yembhali ekuveteni buhle bemvelo enkondlweni letsi 'Tibane'.

**UMTIMBA:**

Kuphawulwa kabanti ngekuphumelela kwembhali ekuveteni buhle bemvelo:

- Tichakata njengetimbali tinkhanyeti, timbali timibalabala lokwenta kutsi kube kuhle esibhakabhakeni.
- Letibane tikhanyisela yonkhe indalo lekhona lapha emhlabeni lokufaka ekhatsi bantfu netilwane.
- Sonkondlo uncoma buhle belilanga, inyanga, sibhakabhaka kanye nenyeti kutsi akukhetsi bala lemuntfu.
- Tinkhanyeti tigcama kahle ebusuku uma sekumnyama tibuye ticedze kwesaba.
- Tilwane letihamba ebusuku tiyjabula nakuvela kukhanya kwetinkhanyeti.
- Bantfu bayakujabulela kukhanya kwetinkhanyeti ngobe sebatawulala baphumule balungiselele lusuku lolulandzelako.
- Sonkondlo uphindza ancome kuvela nekukhanyisa kwato ngetikhatsi letehlukene.

**SIPHETFO**

Bahlolwa basonga konkhe labebabhala ngako lapha ngenhla, ngekusho kutsi sonkondlo uphumelele kuveta buhle bemvelo.

**CAPHELA:** Bahlolwa kumele bacaphune imigca legcamisa imphumelelo yasonkondlo ekuveteni buhle bemvelo.

**BONA EMARUBHRIKI EKUMAKWA KWENDZABAMBHALO YETINKONDLO, SIGABA A:**

**[10]**

**UMBUTO 2: IMIBUTO LEMIFISHA****WENA GCIWANENDZINI – TE Sithole**

- 2.1 Luchumanosigcino, emagama lasekugcineni kwalemigca ayefana. (2)
- 2.2 Sidvonsamoya/Sicatsanisi/Imphindza.(Kubili kwaloku) (2)
- 2.3 Secamagama, kweciwe ligama 'tikhali'/tindvuku. (2)
- 2.4 Lamagama aveta umoya wekutetsemba/wekutfukutsela, sonkondlo utsi angeke litentele matsandza kuye leligciwane. (2)
- 2.5 Sifundvo lasetfulela bafundzi kutsi nangabe leligciwane selikungenile kumele ungapheli emandla kepha ulwe nalo ngekutfola lwati kanye nemakhambi ekulidzambisa. (2)
- [10]**

**UMBUTO 3: IMIBUTO LEMIFISHA****MABITW' ASABELE – SC Msibi**

- 3.1 Imvumelwanosicalo leyecako, letinhlavu letisekucaleni tiyefana bese umugca losemkhatsini awucali ngaletinhlavu. (2)
- 3.2 Sifanangwaca, onkhe emagama lakulomugca anemsindvo longungwaca 't'. (2)
- 3.3 Ilirikhi ngobe sonkondlo uveta imiva yakhe ngamakhalekhukhwini. (2)
- 3.4 Kuncinta kusento sekulimata umuntfu akhale usebentisa iminwe, sonkondlo usebentise lesimunfutisi kukhombisa indlela locindzetela ngayo tinkinobho tamakhalekhukhwini bese uyasebenta. (2)
- 3.5 Ngumlayeto wekutsi makhalekhukhwini wenta loko latfunywe kona ngekushesha ngaleso sikhatsi. (2)
- [10]**

**UMBUTO 4: IMIBUTO LEMIFISHA****SHUKELA – FC Nkosi**

- 4.1 Luchumanomkhatsini, lemigca ineligama lelifanako emkhatsini wayo. (2)
- 4.2 Uyidle kancane, kancane, kancane,' ngobe kuphindvwe ligama 'kancane'. (2)
- 4.3 Lomugca ucuketse umoya wekutfukutsela/wentondvo/wekukhatsateka ngobe sathane wenta tintfo letenyanyekako naletingatsandvwa njengaso lesifo sashukela. (Naleminye imibono lenembako yemukelekile.) (2)
- 4.4 Lesisho lesitsi 'kukhala libhungane' sisho kutsi akusenamuntfu ekhaya. Sikhetsike kahle ngobe sifo sashukela sibulala wonkhe umndeni kusale kungenamuntfu. (2)
- 4.5 Yebo kubumbene, incikitsi yalenkondlo temphilo, kujula kwalenkondlo sifo sashukela lesitsintsa imphilo yaloyo muntfu losuke asabanjwe ngulesifo sashukela. (2)
- [10]**

**NA****INKONDLO LENGAKAFUNDVWA EKLASINI****UMBUTO 5****MAYE! NGAWA MBALI! – JJ Thwala**

- 5.1 Maye, ngawe mbali! (1)
- 5.2 Sicedzelelamcondvo. (1)
- 5.3 Iphethini yalemigca yakhiwe ngemagama lamatsatfu/emagama ayalingana. (1)
- 5.4 Sidvonsamoya/Isizuri. (1)
- 5.5 Sicatsanisi ngobe kusetjentiswe emagama lanemcondvo lophikisanako emgceci. (2)
- 5.6 Usisebentise kahle sonkondlo lesifaniso ngobe nebhule baMbali bedlule njengayo intwasahlobo lefika yente imvelo ibe yinhle kwesikhashana bese iyedlula. (2)
- 5.7 Sonkondlo uma angakhoni kwedlulisa lesimo angehluleka kuchubeka nemphilo, angangenwa tifo letibangwa kuhlala ucabanga nobe usebuhlungwini aphindze alahlekelwe litsemba lemphilo/**Angatsatsa sincumo sekungaphindzi atsandzane nemuntfu agcine angenawo umndeni.** (2)
- [10]**

**SAMBA SESIGABA A: 30**

**SIGABA B: INOVELI/TEMDZABU****UMBUTO 6: UMBUTO LOYINDZABAMBHALO****LIPHUME NEBOVU– BB Malangwane**

Sakhiwo sendzabambhalo kumele sivete **singeniso, umtimba nesiphetfo.**

*Imilayeto levetwa balingisi balenoveli.*

**SINGENISO**

Bahlolwa bachaza sihloko babuye bavete tigateko letikulenoveli letesekela lemilayeto.

**UMTIMBA**

**Umlayeto: Tinike sikhatsi sekumati umuntfu lofuna kutsandzana naye uvetwa nguletigameko letilandzelako.**

- Lushawulo akatange atinike sikhatsi sekumati Tintfombi ngembi kwekuhlala naye.
- Tintfombi ufika kaKhumalo ucedza bantfwana uphindze ucabanisa umndeni.
- Tintfombi utfola umntfwana longumdzeshi lokukhomba kutsi akasuye waLushawulo.
- LaMagagula akatange atinike sikhatsi sekumati Lushawulo ngembi kwevuma kutsi amteke.
- Lushawulo bekangabati butsakatsi baTintfombi.

**Umlayeto: Ungabalahli bantfwana bakho, uvetwa nguletigameko letilandzelako.**

- Lushawulo uya emsebentini akasabuyi ekhaya.
- Lushawulo ushiya bantfwana nenina babulawa yindlala.
- Ushiya LaMagagula atetfwele anetinyanga letine.
- Labanye bantfwana bayedlula emhlabeni acedze angabangcwabi.
- Tintfombi naye ulahlela umntfwanakhe kunina kutsi amkhulisele.

**Umlayeto: Beketela kutawugcina kulungile, uvetwa nguletigameko letilandzelako.**

- LaMagagula ubeketelela simo sekushiywa yindvodza anebantfwana.
- LaMagagula ubeketelela indlala ahambe acela imphuphu kubomakhelwane.
- LaMagagula ubeketelela inhlupheko lahangabetana nayo kaKhumalo.
- LaMagagula uyabeketela nobe asanikwe umtfwalo wekwakhela zakwabo indlu.
- LaMagagula ubeketelela maketala longasatsandzi bantfwabakhe losatsandza baTintfombi.

(Naleminye imibono lenembako yemukelekile.)

**Siphetfo**

Bahlolwa basonga konkhe labebabhala ngako lapha ngenhla, ngekuvetwa kwemilayeto lesekelwe tigateko letisenovelini.

**CAPHELA:** Bahlolwa kumele bacaphune tigateko letisenovelini letesekela imibono yabo.

**BONA EMARUBHRIKI EKUMAKWA KWENDZABAMBHALO, SIGABA B na C:**

**[25]**

**UMBUTO 7: IMIBUTO LEMIFISHA****LIPHUME NEBOVU – BB Malangwane**

- 7.1 Kusila kwaLaMagagula akhala/Kukhala kwebantfwana babanga sikhokho sencwancwa/Kusila ummbidlana wekugcina labephiwe wona. (KUBILI kwaloku) (2)
- 7.2 Kuyasilwa/Kuyalinywa/Kuphekelwa edladleni/Kuyiwa emashingweni/Bobabe basebentela khashane nasemakhaya. (KUBILI kwaloku) (2)
- 7.3 Lushawulo akananhlitiyo/Akanalavelo/Ute buntfu ngobe ushiye umndeni wakhe abe ati kahle kutsi kute losebentako ngaphandle kwakhe. (2)
- 7.4 Kuletheksthi LaHlophe uyagucuka ahambisane nesimo. Ufika ekhaya ujabulile kepha uma atfolo makoti wakhe aselusizini uvelana naye. (2)
- 7.5 Ludvweshu lwangekhatsi ngobe LaMagagula uyatibuta uyatiphendvula aphindze akhaliswe nangulenhlopheko lemkhungetse/Kunekushayisana kwemicabango engcondvweni yaLaMagagula. (2)
- 7.6 Kube nemvuzo wekutsi ugcina aphila kahle nendvodza yakhe angahlushwa nguTintfombi. (2)
- 7.7 Kuveta simo lesimatima senhlupheko lekhona kaKhumalo lokufaka ekhatsi kuswelakala kwekudla netinsita. (2)
- 7.8 Ngumlayeto wekutsi umntfwanakho uyamvikela nobe ente emaphutsa njengobe enta LaHlophe kuletheksthi. (Naleminywe imibono lenembako yemukelekile.) (2)
- 7.9 Sifundvo sekwati imvelaphi yelijaha, ulifundze futsi ulati kahle ngembi kwekutsi uvume kutsandzana nalo. (2)
- 7.10 Uyise wahamba wabashiya wayohlala nalomunye umfati basala bahlupheka njengoba naye enta kuLaMagagula. (2)
- 7.11 Imibono itawehlukela: Labavumako batawesekela ngekutsi intfombi igana lijaha lelitsandzako/Ayikhetselwa. Labangavumelani nalombono batawesekela ngekutsi akukho umtali lofisa kutsi umntfwanakhe ayokwendza lapho kunenhlopheko khona. (Naleminywe imibono lenembako yemukelekile.) (2)
- 7.12
- LaMagagula wasala nendvodza yakhe.
  - Umtsakatsi wavela ebaleni.
  - Lushawulo wabuya ekhaya.
  - Umuti wakaKhumalo wakhululeka emva kwenhlupheko yeminyakanyaka.
  - Bantfwana baLaMagagula batfolo litfuba lekutsandvwa nguyise.
- (KUTSATFU kwaloku) (3)

**[25]**

**UMBUTO 8: UMBUTO LOYINDZABAMBHALO****KUBAMBA LETINGELAKO– DE Nkosi**

Sakhiwo sendzabambhalo kumele sivete **singeniso, umtimba nesiphetfo.**

***Imilayeto levetwa balingisi balenoveli.***

**SINGENISO**

Bahlolwa bachaza sihloko babuye bavete tigateko letikulenoveli letesekela lemilayeto.

**UMTIMBA**

**Umlayeto lotsi: Ungavumi kutsi kube nesimo lesivimba impumelelo yakho, uvetwa nguletigameko letilandzelako.**

- Mphikeleli akazange avume simo sekungatfoli indzawo kutsi sime endleleni yakhe yemphumelelo.
- Mphikeleli akazange avumele kucoshwa kwakhe esikoleni kume endleleni yekufeza liphupho lakhe.
- Mphikeleli akazange avumele Magumeni nalabanye beme endleleni yakhe yekusebentela ummango.
- Mphikeleli akasivumelanga simo sekungabi nebatali sime endleleni yakhe yemphumelelo.
- Mphikeleli akavumelanga tigateko tekuhlaselwa ngemaphoyisa emahlandla enyuvesi kutsi timvimbe angafundzi.

**Umlayeto lotsi: Beka sive embili nawusebentela ummango, uvetwa nguletigameko letilandzelako.**

- Mphikeleli wetfula imibiko ngetinsita temmango ngekwetsembeka.
- Mphikeleli utfufukisa indzawo yaseMbalenhle ngekuletsa tinsita.
- Mphikeleli ukhutsata kutsi wonkhe umuntfu afundze.
- Mphikeleli ukhutsata kwakhelwa kwebantfu tindlu letincono.
- Mphikeleli ukhutsata kuntjintjwa kwemagama etitaladi netakhiwo tahulumende.

**Umlayeto lotsi: Sita lomunye umuntfu uma ahangabetana nebumatima, uvetwa nguletigameko letilandzelako.**

- Matsiya welekelela Mphikeleli ngecutfoli indzawo yekuhlala.
- Matsiya umela Mphikeleli esikoleni uma acoshwa.
- Msiti naMphikeleli bebalekelelana etifundweni baphindze besekelana kutemmango.
- Mphikeleli welaphisa Matsiya ngekuhlanganisa belaphi bendzabuko nebasenshonalanga.
- BoKhulumile nalabanye basekela Mphikeleli ngalesikhatsi acoshiwe esikoleni nasekukhankhaseleni lukhetfo lwaSosifundzave.

**SIPHETFO**

Bahlolwa basonga konkhe labebabhala ngako lapha ngenhla, ngekuvetwa kwemilayeto lesekelwe tigateko letisenovelini.

(Naleminye imibono lenembako yemukelekile.)

**CAPHELA:** Bahlolwa kumele bacaphune tigateko letisenovelini letesekela lemilayeto.

**BONA EMARUBHRIKI EKUMAKWA KWENDZABAMBHALO, SIGABA B na C:**

**[25]**



**UMBUTO 9: IMIBUTO LEMIFISHA****KUBAMBA LETINGELAKO – DE Nkosi**

- 9.1 Kwedzelela ummango ngekufuna kungalandzelwa luhlelo lwemhlangano kulalelwe yena/Kulwisa Mphikeleli atsi akahambisani nenchubo yekuhola kwakhe/Kutjela Matsiya kutsi liyeta lihlobo umcondvo wakhe utawuphitsana. (KUBILI kwaloku) (2)
- 9.2 Kubiketela kutsi angeke aphumelele elukhetfweni ngendlela latiphatsa ngayo emmangweni/Kutjela ummango kutsi Magumeni angeke abe ngumholi locotfo. (2)
- 9.3 Sigameko lapho kuvela khona kutsi Magumeni abebambe umhlangano ngasese ngembi kwalomhlangano wemmango. (2)
- 9.4 Kuletheksthi uyehluleka kumelana naMphikeleli Magumeni naseluvutfondzabeni uchudzelana naMphikeleli elukhetfweni lwaSosifundzave kepha uyehluleka. (2)
- 9.5 Ludvweshu lwangephandle ngobe Magumeni naMphikeleli ababoni ngeliso linye ngendlela yekulandzela luhlelo lwemhlangano. (2)
- 9.6 Sikhatsi sanyalo ngobe siyabona kulesikhatsi bohulumende basemakhaya betfula imibiko yetinsita letfulelwa ummango. (2)
- 9.7 Abehlose kuveta kutsi ungapheli emandla nawusebentela ummango nobe kukhona labangavumelani nawe/Kugcamisa sihloko salenovelu lesitsi 'Kubamba Letingelako' njengobe abetikhandla kuyo yonkhe intfo labeyenta angavinjwa bantfu labeme endleleni yakhe kute aphumelele. (2)
- 9.8 Tifundza kuhlela nekutilungiselela nawuya emhlanganweni/Tifundza kulandzela luhlelo lwemhlangano nekutsi leminye imibono yalabanye iyemukelwa ifakwe ekugcineni kweluhlu. (2)
- 9.9 Kubalulekile kuba nababe ngobe abengeke ahlupheke Mphikeleli aneyise latameseka uma abukene netinkinga temmango njengekucoshwa kwakhe esikoleni. (2)
- 9.10 Kukhula abona uyise alwela inkhululeko ngobe akholelwa kuyo waze wakufela loko, kwente Mphikeleli wachubeka nekulwela inkhululeko, wakhona nekumelana nebantfu labalukhuni nalabafuna kumsusa kuloku labehlose kukwentela ummango. (2)
- 9.11 Abefanele kumteka Khulumile ngobe bafundze kanye, bayatana ngalokwenetisako futsi bayesekelana ekusebenteleni ummango. (2)
- 9.12
- Uvusa umuti wakaZwane uba nemndeneni wakhe.
  - Ufola timphendvulo ngekushona kwebatali bakhe.
  - Kufezeka emaphupho akhe ekusebentela ummango.
  - Ufola litfuba lekusebentela ummango ngekukhetfwa kutsi abe nguSosifundzave. (KUTSATFU kwaloku)
- (Naleminye imibono lenembako yemukelekile.) (3)

**[25]**

**UMBUTO 10: UMBUTO LOYINDZABAMBHALO****TIBOPHO TELUTSANDVO – JJ Thwala**

Sakhiwo sendzabambhalo kumele sivete **singeniso, umtimba nesiphetfo.**

***Imilayeto levetwa balingisi balenoveli.***

**SINGENISO**

Bahlolwa bachaza sihloko babuye bavete tigameko letikulenoveli letesekela lemilayeto.

**UMTIMBA**

**Umlayeto lotsi: Tinike sikhatsi sekumati umuntfu ngembi kwekushada naye, uvetwa nguletigameko letilandzelako.**

- Mlungisi abengayati imvelaphi yaLomusa labefuna kushada naye.
- Mlungisi watsi acala nje kumbona esikhumulweni sematekisi wavele watsi Lomusa ngumfati wekulotjolwa.
- Mlungisi abengamati kutsi Lomusa usebenta msebenti muni futsi kuphi.
- Mlungisi akabati batali baLomusa kantsi nesibongo sakhe akasati.
- Mlungisi abelungiselela kushada naLomusa labengamati kutsi usigebengu.
- Mlungisi abengalati liciniso ngaMacaleni, Sicobolo naNkhangala kutsi bahlobene njani naLomusa.

**Umlayeto lotsi: Ungatibandzakanyi nebugebengu, uvetwa nguletigameko letilandzelako.**

- Kutsengisa kwaLomusa aphindze adle tidzakamiva.
- Kutfunjwa kwaSitsembile nalabanye bantfu baphindze bababulale.
- Kubolekwa kwemali yaMlungisi nguLomusa atsi uyokhipha Sicobolo ejele.
- Kuntjontjelwa imali kwaMlungisi nguLomusa ngekumlobolisa ebanganini bakhe.
- Kubonakala kwaLomusa naNkhangala babala imali lenyenti lengatiwa kutsi ibuyaphi.

**Umlayeto lotsi: Ubolalela uma wekhutwa, uvetwa nguletigameko letilandzelako.**

- Kunganaki kwaMlungisi emaphupho lamecwayisako lavela kuyise.
- Kungalaleli kwaMlungisi uma akhutwa ngunina ngalomfelokati lafuna kushada naye.
- Kungalaleli kwaMlungisi malume wakhe nakamtjela kutsi akacale ati imvelaphi yaLomusa.
- Kungalaleli kwaMlungisi umngani wakhe Madvodza uma ameluleka ngaLomusa.
- Kungalaleli kwaMlungisi uma Lomusa amtjela ngaMacaleni labefanele amngene.

**SIPHETFO**

Bahlolwa basonga konkhe labebabhala ngako lapha ngenhla, ngekuvetwa kwemilayeto lesekelwe tigameko letisenovelini.  
(Naleminye imibono lenembako yemukelekile.)

**CAPHELA:** Bahlolwa kumele bacaphune tigameko letisenovelini letesekela lemilayeto.

**BONA EMARUBHRIKI EKUMAKWA KWENDZABAMBHALO, SICHIBIYELO B na C:**

[25]

**UMBUTO 11: IMIBUTO LEMIFISHA****TIBOPHO TELUTSANDVO – JJ Thwala**

- 11.1 Lomusa naMlungisi babukana emehlweni/kugonana sikhatsi lesidze kwaLomusa naMlungisi/bayahleka. (KUBILI kwaloku) (2)
- 11.2 Kubiketela ingoti langahle ahangane nayo endleleni emva kwukulwa naMacaleni endlini yaLomusa. (2)
- 11.3 Macaleni uyalilandzela libito lakhe, kulesigameko lapho Macaleni nebangani bakhe bamele Mlungisi endleleni bamshaya ngeliketane, lesigameko senta Macaleni abe nelicala langaboshwa ngalo uma angamangalelwa nguMlungisi. (2)
- 11.4 **Kuletheksthi asikho sizatfu lesenta kutsi LaNdlovu abe yindilinga ngobe akagucuki ekutseni akafuni Mlungisi ateke umfelokati.** (2)
- 11.5 Lesigameko sekushaywa kwaMlungisi siludvweshu lwangaphandle ngobe kuyaliwa, Macaleni nebangani bakhe bashaya Mlungisi kantsi naye ubavikisa ngentjumentju. (2)
- 11.6 Lenzaba yenteka esikhatsini salomuhla, Mlungisi uganwe nguLomusa umfelokati futsi ufuna kumteka/Lomusa uhlala emcashweni/Lomusa ugane Mlungisi abe agcoke inzilo/**umbhede/kulungiselelwa umshado/sikolo.** (2)
- 11.7 Ngelokungaguculi umcondvo kwaMlungisi umbhali abehlose kuveta kutsi Mlungisi abeboshwe tibopho telutsandvo. Kute intfo lebeyingamehluhanisa naLomusa/Abehlose kuveta kahle ingcikitsi yalenoveli lelutsandvo/Kuveta kahle kutsi sihloko salenoveli siyahambisana nenzaba yonkhe. (2)
- 11.8 Lomusa uhlala emcashweni elokishini eNgodini, lesimo sendzawo simsitile ngobe abekhona kuchuba libhizinisi lakhe ngaphandle kwetihibe/**Utsengisa akhululekile ngobe angatiwa kulenzawo.** (Naleminye imibono lenembako yemukelekile.) (2)
- 11.9 Sifundvo sekutsi kumele ucale ngekwati imvelaphi yentfombi ngembikwekutsi ukhulume tindzaba temalobolo kute ungatitfoli sewunika tigebengu imali yakho. (Naleminye imibono lenembako yemukelekile.) (2)
- 11.10 Abengatsatsa tincumo letincono emphilweni yakhe ngobe bekatawubonisana neyise kutsatsa tincumo letifanele/ **Wehlulekile kulalela bonkhe labebamekhuta lokukhomba kutsi neyise abengeke amlalele.** (2)
- 11.11 Labatawutsi abefanele LaNdlovu kumalela Mlungisi kutsi ateke Lomusa batawesekele ngekutsi:
- Ngekwelisiko lijaha lelingakase liteke akukafaneli liteke umfelokati ngobe loko kubanga emashwa futsi kutsiwa angete liphindze liganwe yintfombi. Labatawutsi bekungakafaneli batawesekele ngekutsi:
  - Imphilo seyintjintjile ayisafani nakadzeni, sekuphilwa simanjemanje futsi Mlungisi kumele atikhethese umuntfu lamtsandzako. (2)
- 11.12
- Kubona sandla semtsetfo sidlala indzima yaso kuboLomusa nebangani bakhe.
  - Kukhululeka kwaMlungisi esandleni saLomusa.
  - Kwati kwekutsi Mlungisi sewuyalati liciniso ngaLomusa.
  - Kuphepha kwemango kulesigebengu lesinguLomusa nebangani bakhe. (KUTSATFU kwaloku) (3)

**[25]**

**TEMZABU****UMBUTO 12: UMBUTO LOYINDZABAMBHALO****SILULU SEMASWATI – NC Mthethwa**

Sakhiwo sendzabambhalo kumele sivete **singeniso, umtimba nesiphetfo.**

*Imilayeto levetwa ngulobuciko bendlomo.*

**SINGENISO**

Bahlolwa bachaza sihloko babuye bavete tigateko letikulencwadzi letesekela lemilayeto.

**UMTIMBA**

**Umlayeto lotsi: Ungalilahli litsemba, uvetwa ngulamaphuzu lalandzelako.**

- Madiba waphila njengentsandzane ashiye bukholo bakubo.
- Hluphekile wakhula ahlupheka anelitsemba lekutsi imphilo itawuba ncono kusasa.
- Madiba akatange alilahle litsemba lekulwa nekuccisana nembuso welubandlululo.
- Madiba waba nelitsemba lekutsi umbuso welubandlululo utawuncoba.

**Umlayeto lotsi: Impumelelo ita ngekubeketela, uvetwa ngulamaphuzu lalandzelako.**

- Hluphekile ukhula angati batali bakhe.
- Hluphekile ubeketelela kusetjentiswa matima ngunina lomncane.
- Madiba ubeketelele simo sekufundza ngaphandle kwebatali bakhe.
- Hluphekile ubeketelela kwenta yonkhe imisebenti yasekhaya ayedvwa.

**Umlayeto lotsi: Beka sive embili nawusebentela ummango, uvetwa ngulamaphuzu lalandzelako.**

- Madiba wabeka sive embili washiya sihlalo sebukholo nemndeni wakhe.
- Madiba wadzela busha bakhe ngekuhlala ejele sikhatsi lesidze.
- Madiba waya emaveni angesheya aloku alwa nembuso welubandlululo.

**Lesaga lesitsi akulahlwa mbeleko ngakufelwa:**

- Sisho kutsi awulilahli litsemba emphilweni njengobe boMadiba naHluphekile babeketelela timo letimatima labebaphila ngaphasi kwato bate baphumelela ekugcineni.

**SIPHETFO**

Bahlolwa basonga konkhe labebabhala ngako lapha ngenhla, ngekuvetwa kwemilayeto lesekelwa ngemaphuzu lasencwadzini.

(Naleminye imibono lenembako yemukelekile.)

**CAPHELA:** Bahlolwa kumele bacaphune emaphuzu lasencwadzini lasekela lemilayeto.

**BONA EMARUBHRIKI EKUMAKWA KWENDZABAMBHALO, SIGABA B ne-C:**

**[25]**

**UMBUTO 13: IMIBUTO LEMIFISHA****SILULU SEMASWATI – NC Mthethwa****'MANDLAKHE'**

- 13.1 Kubusa inkhosi lenesitsemu/Bafana bayaphuma bayotingela/Bantfwana benkhosi abatsandzani/Kunebucili nebugebengu. (KUBILI kwaloku) (2)
- 13.2 Uvetwe ngeligama lakhe leliso kuba nemandla, wabulala indlovu ayedvwa. (2)
- 13.3 Kuveta umoya wekwesaba ngobe banakabo babaleka bamshiya yedvwa. (2)
- 13.4 Emaciniso lavetwa ngulenyoni kutsi Mandlakhe nguye lobulele indlovu/Banakabo bambangisa bukhosi/Banakabo bamfaka emhumeni. (KUBILI kwaloku) (2)
- 13.5 Ludvweshu lwangephandle ngobe lamadvodza akavumelani ngekutsi kulalelwe lenyoni lehlalako kantsi labanye batsi ayicoshwe. (2)
- 13.6 Lesaga sisho konakala kwelisu njengobe indvuna itfunywe yinkhosi kuyofuna umhlabatsi wekwelapha libutfo emhumeni lapho kufakwe khona Mandlakhe. (2)
- 13.7 Ligalelo lelifakwa tinganekwane ebantfwaneni; Kutfolo sifundvo ngemphilo/Kuhlanganisa umndeni/Kucitsa situnge/Kwakha similo sebantfwana. (KUTSATFU kwaloku) (3)

**'SIKHUNGO SASEMATSAMO'**

- 13.8 Sifanisongco, sonkondlo ubite sikhungo saseMatsamo ngekutsi silidvonsamehlo. (2)
- 13.9 Invumelwanosigcino, lemigca yomibili igcine ngetinhlavu letifanako. (2)
- 13.10 Luchumanomkhatsini ngobe ligama 'sati' lisetjentiswe emkhatsini walemigca/Sigci ngobe kuvakala ngatsi kuyahlatjelelwa. (2)
- 13.11 Lesikhungo sitfutukisa lubumbano ngekuheha tivakashi letichamuka kulamanye emave emhlabeni/Kutsengiswa tinhlobonhlobo temvunulo yesive naletinye tintfo letiligcabho lesive seMaswati. (Naleminye imibono lenembako yemukelekile.) (2)
- 13.12 Bahlomula ngekutfolo umsebenti/Bafundza ngemasiko/Kutfutuka umnotfo nekugcineka kwemlandvo wesive lesimnyama/Batfolo litfuba lekukhangisa ngemakhono abo. (KUBILI kwaloku) (2)

**[10]****SAMBA SESIGABA B: 25**

**SIGABA C: UMDLALO****UMBUTO 14: UMBUTO LOYINDZABAMBHALO****KUTAWUBA NJALO – SZ Simelane**

Sakhiwo sendzabambhalo kumele sivete *singeniso, umtimba nesiphetfo*.

***Tigameko letiveta imphumelelo ngesimilo salabadlali kulomdlalo.***

**Singeniso**

Bahlolwa bachaza sihloko babuye basho kutsi kubeketela, kutimisela nekungabambi emagcubu kuletsa imphumelelo.

**Umtimba**

Bahlolwa baveta timo letisemdlalweni letifakazela lesimilo kulabadlali kutsi siletse imphumelelo.

**Lokwentiwe nguMphotfo naNcobile lokuveta kutsi bayabeketela.**

- Mphotfo abevuka aye esikolweni kepha ahlala edlangaleni lelinganalutfo.
- Mphotfo abebeketelela kuhlekwa nekwedzelelwa bantfwana nakabuya esikoleni.
- Ncobile ubeketelela inhlupheko yekutfolela umntfwana longenayise.
- Ncobile uyabeketela emva kwekuba abone timbali labetibeke ethuneni lesingani sakhe Gedlembane tisakatwe etaleni.
- Ncobile uyakubeketelela kubekwa emacala nguHleta ngaso sonkhe sikhatsi.
- Ncobile naMphotfo babeketelela kwetfukwa nekubitwa ngemagama lahlabako bangalahli litsemba bachubeka bafundza.

**Lokwentiwe nguMphotfo naNcobile lokuveta kutsi bayatimisela.**

- Mphotfo naNcobile bayatimisela ngekufundza sikolo emva kwekuba bahlangabetane netimo letimatima.
- Mphotfo naNcobile benta imisebenti yesikolo baphumelela ngemalengiso.
- Mphotfo naNcobile bayagcugcutelana ngekutsi bangayekeli sikolo ngobe sisikhiya selikusasa labo.
- Ncobile uncenga unina kutsi amsalele nemntfwana kute abuyele esikolweni.
- Mphotfo naNcobile baphumelela batfolela tiku basebenta imisebenti lesetulu.

**Lokwentiwa nguMphotfo naNcobile lokuveta kutsi ababambi emagcubu.**

- Kwala kwaNcobile kuvulela unina licala emva kwekulimala kabuhlungu.
- Mphotfo akabambelanga LaHleta emagcubu emva kwekumetfuka, wamelapha ngalesikhatsi agula.
- Mphotfo uyacolisa kuLaHleta, utjela naNcobile kutsi kufanele bacolise.
- Ncobile uyahleka ukhumbuta unina ngaletikhatsi letimatima kutsi 'lokwenyanywa ngimi kunyanywa nguwe'.
- Bobabili bahleka namalume wabo Hleta ngelusuku lwabo lwemshado.

**Siphetfo**

Bahlolwa basonga konkhe labebabhala ngako lapha ngenhla, lokuveta tintfo letifakazela similo lesiphumelelise labadlali.

(Naleminye imibono lenembako yemukelekile.)

**CAPHELA:** Bahlolwa kumele bacaphune tigameko letisemdlalweni letesekela imibono yabo.

**BONA EMARUBHRIKI EKUMAKWA KWENDZABAMBHALO, SICHIBIYELO B na C: [25]**

**UMBUTO 15: IMIBUTO LEMIFISHA****KUTAWUBA NJALO – SZ Simelane**

- 15.1 NguHleta ngobe nguye lowashayela Mphotfo lucingo amtjela kutsi lesisu akusiso sakhe futsi sesibikiwe. (2)
- 15.2 Umoya waMphotfo usetulu ngobe atfukutseliswe kuva kutsi umntfwana lotfwele nguNcobile akasuye wakhe kantsi umoya waNcobile uphasi ngobe amangaliswa kubhocwa ngentfo langayati. (2)
- 15.3 Simonhlalo salenzawo sikhomba inhlopheko ngobe bakhuluma bahleti edlangaleni laMphotfo. (2)
- 15.4 Similo saMphotfo kuletheksthi siveta kungabi neluvelo, kungametsembi nekungamtsandzi Ncobile ngaloko latjelwe kona nguHleta/Utsatsa tintfo ngemawala akatihlolisi ngembikwekutsi atsatse sincumo. (2)
- 15.5 Ikhona ingwijikhwebu esiphetfweni ngobe kwenteka intfo lebeyingakalindzelwa, Mphotfo ucosha Ncobile atetfwele kungatiwa kwekutsi kufanele ayephi ngobe esuke ekhaya ngaphandle kwemvumo. (2)
- 15.6 Sigameko lapho Ncobile aphuma kaMphotfo atetfwele ahamba kungatiwa kutsi uyaphi, bafundzi bafuna kwati kutsi wacina njani. (2)
- 15.7 Imibono itawehluka ifake ekhatsi loku lokulandzelako:  
Labavumako batawesekela ngekutsi vele bakhona bantfu labatigebengu lababulala umndeni bawucedze njengaHleta.  
Labangavumi batawesekela ngekutsi akaphili kute umntfu longabulala umkakhe, sibali wakhe kanye nesingani semshana wakhe kube kungenasizatfu. (Naleminye imibono lenembako yemukelekile.) (2)
- 15.8 Utifundzisa kungatsatsi tintfo ngemawala/Kwenta siciniseko ngembi kwekutsatsa sincumo/Ungakholwa nguko konkhe lokushiwo bantfu/Kutfole emaciniso ngembi kwekutsatsa tincumo.  
(Naleminye imibono lenembako yemukelekile.) (2)
- 15.9 Ube neligalelo lelihle ngekumkhutsata ngemisebenti yesikolo/Abemeluleka ngalesikhatsi afuna kuyekela sikolo/Abemvakashela esibhedlela/Wamkhutsata kutsi abuyelane neyise wemntfwanakhe. (2)
- 15.10 Lenkhulumo isho kufihla intfo lesebaleni, lenkhulumo ayibumbani naNcobile ngobe acanjelwa emanga, lesisu lanaso sakhe Mphotfo. (2)
- 15.11 Inhloso bekukukhomba kutsi Ncobile uhlakaniphile uyakhona kubona likusasa lelichakatile kuMphotfo ngobe atsandza sikolo futsi abephumelela ngemalengiso abedlula bonkhe. (Naleminye imibono lenembako yemukelekile.) (2)
- 15.12
- Mphotfo wakhula angenabo batali kodvwa wakhona kuphumelela etifundweni takhe.
  - Wafundza waba ngudokotela lodvumile ngaphasi kwesimo senhlopheko.
  - Wavusa umuti wakubo washada waba nemndeni wakhe.
- (Naleminye imibono lenembako yemukelekile.) (3)

**[25]**

**UMBUTO 16: UMBUTO LOYINDZABAMBHALO****LAMI LISIPHETFO – JJ Thwala**

Sakhiwo sendzabambhalo kumele sivete *singeniso, umtimba nesiphetfo*.

*Tigameko letiveta imphumelelo ngesimilo salabadlali kulomdlalo.*

**Singeniso**

Bahlolwa bachaza sihloko babuye basho kutsi kubeketela/kungabeketeli, kukhuluma ungengegi nekuba nesibindzi kuletsa imphumelelo/kungaphumeleli.

**Umtimba**

Bahlolwa baveta timo letisemdlalweni letifakazela lesimilo kulabadlali kutsi siletse imphumelelo/kungaphumeleli.

**Lokwentiwe yinkhosi Somhlolo naMahubhulu lokuveta kubeketela/kungabeketeli.**

- Somhlolo ubeketelela Sigogodvolo labehambisana naMahubhulu ekucitseni umbuso.
- Somhlolo ubeketelela Mahubhulu ngalesikhatsi avivisa libutfo ngaphandle kwemvumo.
- Somhlolo ubeketelela Mahubhulu ngalesikhatsi avukela umbuso.
- Kwehluleka kwaMahubhulu kubeketelela imiyalo yenkhosi yekungacitsi ingati.
- Mahubhulu abehluleka kubeketelela indlela inkhosi lebusa ngayo.

**Lokwentiwe yinkhosi Somhlolo naMahubhulu lokuveta kutsi bakhuluma bangagegi.**

- Mahubhulu utsi, 'Lami Lisiphetfo' utjela inkhosi Somhlolo emehlweni.
- Mahubhulu uvela ebaleni utjela Sigogodvolo kutsi yena akahambisani nendlela inkhosi lebusa ngayo.
- Mahubhulu ukhuluma ngco akagegi kutsi akucitseke ingati kufe labafako.
- Inkhosi Somhlolo nayo ayigegi itjela Mahubhulu itsi, 'Lami Lisiphetfo'.
- Mahubhulu utjela Sigogodvolo emehlweni kutsi inkhosi iligwala ayifuni kuhlasela letinye tive.

**Lokwentiwe yinkhosi Somhlolo naMahubhulu lokuveta kutsi banesibindzi.**

- Mahubhulu akayesabi imphi nekucitsa ingati.
- Mahubhulu uvivisa libutfo leMahubhulu kutsi liyewuhlangana naMabhula kuhlaselwe inkhosi Somhlolo.
- Mahubhulu ukhuluma emanga kuMabhoko kutsi inkhosi ifuna kumhlasele ngenjongo yekususa imphi.
- Mahubhulu watibulala ngobe abona kutsi imitamo yakhe ayiphumeleli.
- Inkhosi Somhlolo ayetfuki nayiva ngekucitfwa kwembuso wayo nguMahubhulu.

**Siphetfo**

Bahlolwa basonga konkhe labebabhala ngako lapha ngenhla, lokuveta tintfo letifakazela letimilo letiphumelelise labadlali.

(Naleminye imibono lenembako yemukelekile.)

**CAPHELA:** Bahlolwa kumele bacaphune tigameko letisemdlalweni letesekela imibono yabo.

**BONA EMARUBHRIKI EKUMAKWA KWENDZABAMBHALO, SICHIBIYELO B na C: [25]**



**UMBUTO 17: IMIBUTO LEMIFISHA****LAMI LISIPHETFO – JJ Thwala**

- 17.1 Sengatsi nalabaphasi banganipha tinhlanhla nonkhe tindvuna tami. (2)
- 17.2 Umoya ukhomba kungajabuli ngobe kudzingidvwa tindzaba tekucitfwa kwembuso wenkhosi Somhlolo. (2)
- 17.3 Kunekwesaba kutsi umbuso wenkhosi Somhlolo ungahlaselwa nobe kunini ngobe kunendvuna lengahambisani nendlela lebusa ngayo inkhosi. (2)
- 17.4 Uyakwati kuncoma nangabe umuntfu ente kahle/Uyinkhosi lengatishayi sifuba ngobe isebenta ngekubambisana netindvuna tayo kute iphumelele. (2)
- 17.5 Ikhona ingwijikhwebu esiphetfweni salesakhiwana ngobe kwenteka intfo lebeyingakalindzelwa, Mahubhulu uvivisa libutfo kuyohlasela inkhosi Somhlolo kantsi kuletheksthi kusadzingidvwa ludzaba lwesigwebo lesimfanele. (2)
- 17.6 Indzima yekuba ngumelekeleli ngoba usita inkhosi kucatulula tinkinga letikhona eveni layo/Welekelela inkhosi ngekwakha lisu lekutsi ayomema Mabhula emgidvweni wenkhosi lekufanele ahlangani neMahubhulu kuhlaselwe inkhosi. (2)
- 17.7 Lusha lushuca emigwacweni lushise takhiwo letitinsita, lushise takhiwo tahlumende.  
(Naleminye imibono lenembako yemukelekile.) (2)
- 17.8 Sigameko lapho Sikhunyana agijima ayovimba eMahubhulu. Bafundzi bafuna kwati kutsi waphumelela yini kuncandza eMahubhulu kute angayi kuyohlangana naMabhula kuhlaselwe inkhosi/Nsibandze waphumelela yini kulelisu lakhe lekuyomema Mabhula emgidvweni lebewuhlelwe yinkhosi kute kuncandvwe imphi lehlelwe nguMahubhulu. (2)
- 17.9 Bekukuveta kutsi nabomake banalo likhono lekuphatsa emmangweni/Kutsi noma sewukhulile uyakhona kuya kumake uyombikela tinkinga takho. (2)
- 17.10 Kungalaleli nekucinisa inhloko kunemtselela lomubi njengobe Mahubhulu wagcina aselubishini langakhoni kutikhipha kulo, watibulala. (2)
- 17.11 Ingcikitsi yalomdlalo ngumbango webukhosi ngako-ke ibumbene nesibekandzaba sendzawo ngobe lomdlalo wenteka endzaweni yasemakhaya lapho kunebukhosi khona lokuvamile vele kutsi kube nemibango yekuhola sive. (2)
- 17.12
- Unelutsandvo lwebantfu akafuni kucitseke ingati lengenacala.
  - Uyatilalela tikhalo tebantfu naMahubhulu wamlalela ngalesikhatsi akhala ngekutsi emabutfo awaphume ayohlasela.
  - Akatitsatseli tincumo ayedvwa ngobe ayinkhosi, uyabonisana netindvuna kanye namake wesive Somnjalose.
  - Uyakwati kubeketela; wabeketelela Mahubhulu ngalesikhatsi alwa avukela umbuso, wakhulumisana naye kahle. (KUTSATFU kwaloku) (3)

**[25]**

**SAMBA SESIGABA C: 25**  
**SAMBA SAKO KONKHE: 80**

**SICHIBIYELO A****SIGABA A: IRUBHRIKI YEKUHLOLA INDZABAMBHALO YENKONDLO [10 EMAMAKI]**

<b>Timphawu</b>	<b>Emalengiso</b>	<b>Licophelo lelisetulu</b>	<b>Lokwenetisako</b>	<b>Lokusilele</b>	<b>Lokungaphumelelisi</b>
<b>LOKUCUKETFWE</b>	<b>5-6</b>	<b>4</b>	<b>3</b>	<b>2</b>	<b>0-1</b>
Kuchazwa kwesihloko Kujula kwemibono, Kwesekela nekuvisiswa kwetheksthi  <b>6 EMAMAKI</b>	-Sihloko sichazwe ngalokujulile -Luchungechunge lwemaphuzu lababatekako ekwesekela lacashunwe enkondlweni -Luhlobo lwembhalo kanye nenkondlo kuvisiswa ngemalengiso	-Sihloko sichazwe ngelicophelo lelisetulu kukhomba kusivisa -Emaphuzu ekwesekela ayevakala kodwa akaketfulwa ngendlela lelindzelekile -Luhlobo lwembhalo kanye nenkondlo kuvisiswa ngelicophelo lelisetulu	-Sihloko sichazwe ngalokwenetisako -Akhona lamanye emaphuzu lamahle lesesekela sihloko ngalokwenetisako -Leminye imibono yesekelwe kodwa esikhatsini lesinyenti bufakazi abukholweki -Luhlobo lwembhalo kanye nenkondlo kuvisiswa ngalokwenetisako	-Kuchazwa kwesihloko akwenetisi -Kulukhuni kutfolo emaphuzu lesekelo sihloko -Luhlobo lwembhalo kanye nenkondlo akukavisiswa kahle	-Sihloko asikavisiswa nakancane -Akukho kucaphuna enkondlweni -Luhlobo lwembhalo kanye nenkondlo akukavisiswa nakancane
<b>SAKHIWO NELULWIMI</b>	<b>4</b>	<b>3</b>	<b>2</b>	<b>1</b>	<b>0-1</b>
Sakhiwo, Kuhleleka nekwetfula Kusetjentiswa kwelulwimi, umoya, nesitayela  <b>4 EMAMAKI</b>	-Sakhiwo lesibumbene ngemalengiso -Imibono yakhiwe yahleleka ngalokucace ngemalengiso -Lulwimi, umoya nesitayela kuvutsiwe futsi akunamaphutsa -Emaphutsa eluhlelo, sipelengi netimphawu tekufundza kuyindlala	-Sakhiwo lesicacile lesinemibono lehleleke ngelicophelo lelisetulu -Imibono letfuliwe iyalandzeleka -Kunemaphutsa lambalwa elulwimi, umoya nesitayela	-Bukhona bufakazi lobutsite besakhiwo -Kubumbana nekuhleleka kwemibono kuyenetisa -Lulwimi lunemaphutsa langasho lutfo; umoya nesitayela kuyenetisa	-Sakhiwo sikhomba emaphutsa ekuhlela -Imibono ayikahleleki ngalokubumbene -Lulwimi lunemaphutsa lamanyenti -Umoya nesitayela akukemukeleki	-Sakhiwo lesingemukeleki nakancane -Imibono ihlangahlangene -Lulwimi lolunemaphutsa lamanyenti nesitayela lesingemukeleki -Umoya nesitayela akwemukeleki nakancane

**CAPHELA: Nangabe umhlolwa angakabhali ngalokufunwa ngumbuto, abe abhale lokunhlanhlatsako, akanganikwa emamaki ako kokubili, Lokucuketfwe, Sakhiwo neLulwimi.**

**SICHIBIYELO B****SIGABA B NE–C: IRUBHRIKI YEKUHLOLA INDZABAMBHALO – YENOVELI NEMDLALO [25 EMAMAKI]**

<b>Timphawu</b>	<b>Emalengiso</b>	<b>Licophelo lelisetulu</b>	<b>Lokwenetisako</b>	<b>Lokusilele</b>	<b>Lokungaphumelelisi</b>
<b>LOKUCUKETFWE</b>	<b>12–15</b>	<b>9–11</b>	<b>6–8</b>	<b>4–5</b>	<b>0–3</b>
Kuchazwa kwesihloko Kujula kwemibono, Kwesekelwa nekuvisiswa kwetheksthi  <b>15 EMAMAKI</b>	-Imphendvulo leneminingwane lengemalengiso lababatekako: 14–15 Imphendvulo leneminingwane lengemalengiso langababateki: 12–13 -Sihloko sichazwe ngalokujulile -Luchungechunge lwemaphuzu lababatekako ekwesekela lacashunwe etheksthini -Luhlobo lwembhalo kanye netheksthi kuvisiswe ngemalengiso	-Imphendvulo leneminingwane lesecophelweni lelisetulu -Sihloko sichazwe ngelicophelo lelisetulu kukhomba kusivisa -Lamanye emaphuzu ekwesekela ayevakala kodvwa akaketfulwa ngendlela lelindezekile -Luhlobo lwembhalo kanye netheksthi kuvisiswa ngelicophelo lelisetulu	-Sihloko sichazwe ngalokwenetisako kodvwa akusito tonkhe tinhlangotsi leticikelelwe ngalokuphelele -Akhona lamanye emaphuzu lamahle lesesekela sihloko ngalokwenetisako -Lamanye emaphuzu esekelwe kodvwa esikhatsini lesinyenti bufakazi abukholweki -Kukhona lokusilele ekuvisiseni luhlobo lwembhalo kanye netheksthi	-Sihloko sichazwe ngekunyanyalata ngaphandle kweminingwane lesekelako -Ambalwa kakhulu emaphuzu lafanele kwesekela sihloko -Kuncane kakhulu kuvisiswa kweluhlobo lwembhalo netheksthi	-Kuncane kakhulu kuvisiswa kwesihloko -Mncane kakhulu umzamo wekuphendvula umbuto -Imibono ayikholweki -Luhlobo lwembhalo kanye netheksthi akukavisiswa nakancane
<b>SAKHIWO NELULWIMI</b>	<b>8–10</b>	<b>6–7</b>	<b>4–5</b>	<b>2–3</b>	<b>0–1</b>
Sakhiwo, Kuhleleka nekwetfula Kusetjentiswa kwelulwimi, umoya, nesitayela  <b>10 EMAMAKI</b>	-Sakhiwo lesibumbene -Singeniso nesiphetho lesingemalengiso -Imibono yakhiwe yahleleka ngemalengiso -Lulwimi, umoya nesitayela kuvutsiwe futsi akunamaphutsa	-Sakhiwo lesicacile lesinemibono lehleleke ngelicophelo lelisetulu -Singeniso nesiphetho kanye naletinye tindzima kuhleleke ngalokubumbene -Imibono ihleleke ngelicophelo lelisetulu -Kunemaphutsa lambalwa elulwimi, umoya nesitayela	-Bukhona bufakazi lobutsite besakhiwo -Kuhleleka nekubumbana -Kuhleleka nekubumbana kwemubono kuyenetisa kodvwa kunemaphutsa -Lulwimi lunemaphutsa lambalwa; umoya nesitayela kuyenetisa Kuhleleka kwetindzima kuyenetisa	-Sakhiwo sikhomba emaphutsa ekuhlela -Imibono ayikahleleki ngalokubumbene -Lulwimi lunemaphutsa lamanyenti -Umoya nesitayela akwemukeleki Kuhleleka kwetindzima kunemaphutsa	-Kungahleleki kahle kwesakhiwo kukhinyabeta kubumbana kwemibono -Emaphutsa elulwimi nesitayela lesingakemukeleki kwenta lombhalo ungabi yimphumelelo -Umoya nesitayela akwemukeleki -Tindzima tihlangahlangene
<b>KWEHLUKA KWEMAMAKI</b>	<b>20–25</b>	<b>15–19</b>	<b>10–14</b>	<b>5–9</b>	<b>0–4</b>

- Kufanele kungabi nemehluko wemazinga lamabili emkhatsini welimaki leSakhiwo neLulwimi nelimaki laLokucuketfwe.
- Imphendvulo lengaphendvuli umbuto ayinganikwa emamaki aLokucuketfwe neweLulwimi neSakhiwo.

Emalungelo agodliwe